

جریدہ صوفیہ

شیمدیلک هفته ده بر نشر اولنور .

امور اداره و تحریریه و اعلانات و سائرہ
ایچون مدیر مسئولہ مراجعت ایدملیدر .

عرفی امتک مقالات متصوفانه لرینه
جریدہ صوفیه نك صحیفه لری آچیتدر .
درج ایدلیان اوراق اعاده ایدلز .

نسخه سی ۴۰ پارہ در .

ابونه سی : بر سنه لك اعتباریله ممالك
عمانیه ایچون ۴۰ آلتی آیلنی ۲۵ غروش
وممالك اجنبیه ایچون اون ایکی فراتقدر

محل اداره باب عالی جوارنده ابوالسعود
جاده سنده نجم استبال مطبعه سی

تصوفی ، دینی ، اخلاقی ، سیاسی جریدہ اسلامیه در .

فلسفه

لوامع

اسماء متقابله قیلندن ایکی اسم دها وارد که بری «الظاهر» دیگرى «الباطن» در ظهور و کثرت دخی بطون و وحدت کبی متلازمدرلر زیراً ظهور. حقیقتک صور تعینات تابسندن و بطون دخی عدم تابسندن عبارت اولوب تلبس مذکور عینی کثرت، و عدمی ده عینی وحدتدر. و کترتده مابه الامتيازک مابه الاتحاد اوزرینه غلبه احکامی اولدینی کبی وحدتده عکسنه ایدوکی شبه سزدر. شوخالده حق سبحانه و تعالی هر نه زمان که «الظاهر» اسمیه تجلی ایدر «بالضروره» مابه الامتيازک احکامی مابه الاتحادک احکامی اوزرینه غلبه ایار، بوده خفی دکلدر که علم، معرفت، محبت، بونلرک بتون امانی عالم، معلوم، عارف معروف محب محبوب بیننده کی مابه الاتحادک احکامی جمله سندنر. بناء علیه بونلر مابه الامتيازک غلبه احکامی قربنده هب مقام خفا و بطونده و اربابی ده حجاب ستر و کمونده قالورلر چونکه بونلر ایله خلایق بیننده کی مابه الامتيازک غلبه احکامی سبيله هیچ برکیمه نک بونلر علم و معرفتی تعلق ایدم من الحق علی سبیل الندره تعلق ایدم بیلیر. مأمولدر که شیخ ناظم بوینده بوخفا و بطونه ستر و کونه اشارت ایتمش اولسون چونکه مشهور اولدینی اوزره بو طائفه شیخ مشارالیهک زماننده پک چوق ایتمش.

رباعیه

هر چند سراز وصال من کم تابى اشکم بوداز شوق لبث عناى
مستق رامیان بحر اربابى شک نیست که شاکی بوداز بی آبی
هر نه قدر بکا قارشى مساعدت وصالدن باش چور میور ایسه که ده
ینه کوزیمک باشی لبک شوقیندن غاب رنگنی آلهرق خون آلود
اولمقده در اوت، استسقا عتله مبتلا اولان کیمه نک — دکزاورنه سنده
تصادف ایتسه نک — ینه صوسزلقدن شکایتده بولنه جنی محق قدر.

فان ذکر ت فی الحی اصبح اهله نشاواى ولا غار علیهم ولا اثم
(الحی) قیلدر، (النشوء) سرخوش اولمق معانسه اولوب نشا
یتشو، نشی ینشی، دیه باب اول وئالندن متصرفدر، نشوان، لفظاً
و معناً سکران کبی اولوب جمعی ده سکرى و سکاری مثللو نشوی، و
نشاوی، در.

بیور بیور که: اکی اوشراب. قیلته مقبلان، قبله زنده لان اولان
بر قبله نواچیننده یاده کتیرلسه ایدی اوقبله اهل البی مطلقاً سرخوش
اولور و بسبتون بی اختیار قللوردی مع هذا بوسر خوشلقدن اولنره
نه برکونا غار، نه ده می پرستلک کناهندن یرغبار ترنب ایدردی.

رباعیه

آن می خواهم که عقل ازومست شود سر رشته اختیارش از دست شود
مطرب چو وصف آن سرود آغازد هر زنده دل که بشنود مست شود
اوشرابی ایسترم که عقل او ندن سرخوش اولوب سر رشته اختیاری
الندن کیدر مطرب دخی اوباده نک وصفیه نغمه ساز اولدقده ایشیدن
هر زنده دل، همان مست و لایعقل اولور.

رباعیه

هر کز می عشق را خاری نبود یکدم زان می مرا کناری نبود
جز می خوردن مرا چوکاری نبود باری زان می که عیب و عاری نبود
شراب عشق اصلاً خاری اولماز شوخالده بر نفس ببله بنم او ندن
توقی ایتمک متصور دکلدر مادام که بنم شراب ایتمکدن بشقه برایشم
اولیه جقدر باری مستلزم عیب و عار اولمیان شراب ایچلمش اولسه.
سر حیات، بتون موجوداته ساریدر. زیرا (وان من شیء الا
یسبح بحمده ولكن لا تفقهون تسبیحهم) قول شریفی حکم و مقتضاسجه
جمیع اشیاء، حق سبحانه و تعالی حضرت لرینی تسبیح ایدر و حالبوکه
حیات صفی اولمق سزین تسبیح ایتک ممتنعدر.

مابعدی وار

کمال الدین خرپوطی

مفاتیح الاشیاء

صوفیانه مصاحبه

کچنلدره برکون راحتسز نغمه مبنی بنده خانه ده یالکزجه اوطور.
بیور ایدم. بعض حقایقه طالایم صروده دق باب ایدلای قنوی آچدم
پک سودکارمدن ایکی ذاتک ایچرویه کیردیکنی کوردم! خسته لغمی
طوبعشدر درویشی یوقلامنه کلشدر ایدی!

ایله اطرافنی احاطه میوه چینان بردرخت باغبان پرورده کیم پر بار اولور
حقیقتی تحفظر ایتدم. صوفیانه ملاحظه و مباحثه مفتونی اولانلردنم
کائناتده هیچ برشی ایله علاقه یوقدر یالکز دقائق و حقائق صوفیه
واسرار محمدیه بی تحریدن خوشلانیرم، هم سکندر اولمق هم ده آب
حیاتی بولمق مشکل اولدیفنی بیایرم. اهل دنیا اهل دل اولورمی؟ هر نه
ایسه بر اوطیه طوبلاندر حقیق ملاحظه لرله، تحری حقیقتلرله اونلری
نشه یاب ذوق و سرور ایتدم!! عادتاً اونلر سزکله نه وقت مصاحبه ده
بولنور ایسه ک ایش نتیجه اعتباریه همان بووادی ده دو کیلور دیدیرتم!
رفیقلمدن بری دیوارده برلوحه کوردی همان اوقومنه باشلادی
اوده شوندن عبارت ایدی.

بیا ای عشق آتش زن دل افرونده مارا بنور خویش روشن کن چراغ مرده مارک